

իջեցվում է քօրօնի մեջ և դրվում ուղղակի նրա հատակին: Նրանց հարմարեցրած են և իրենց խփիները՝ կափարիչները, որ ունենում են նաև կարասները, որոնց բերանները սակայն երբեմն կապվում են մի կտորով կամ կաշիով: Կնօնի կափարիչն ունենում է վերևից կանթ. ունկները և այդ կանթն անհրաժեշտ են ամանը քօրօնի մեջ ղետեղելու և բարձրացնելու համար: Տանտիկինը երկու երկաթե կեռ շամփուրները ձգելով ունկների մեջ՝ կարողանում է ուղածի պես տեղավորել ամանը քօրօնի հատակին: Կճօճը ղետեղվում է նաև արդեն վառված քօրօնի բերանին դրված թրոնարկաթի՝ քօրօնի երկաթի վրա: Այս ղեպքումն էլ կրակի վրա դնելու և վերցնելու համար ունկները հարկավոր են գալիս ավելի, քան եթե ամանն ունենար լճք՝ պոռնկը ղեպի դուրս լայնացող հավելված: Կնօնի կողքերը սովորաբար զանազան չափով ուռուցիկ են լինում, շատ սակավ ղեպքերում ուղղահայաց, ավելի սակավ վերևի կողմերով ղեպի ներս սեղմված:

Օշնակներ. կարասներից ավելի նեղ բերան ունեն, սակայն այն հաշվով, որ հնարավոր լինի ձեռքով մեջը մտնել: Ոռքն անհամեմատ ավելի սուր է, ուստի հարկավոր է լինում նրանց պատին կամ որևէ հաստատուն իրին կրթնած կանգնեցնել: Օշնակներն ունենում են անպատճառ մեկ ունկն³, որովհետև նրանցով կարելի է առհասարակ մթերքի տեղը հաճախակի փոխել և օրինակ՝ մածուկը, յուղը բերել սարից: Մեջը պահում են նաև շոր պաշար:

Քթէ՝ կթի⁴. պիտի լինի շատ լայնաբերան, որպեսզի կթելիս կաթի շիթերից ոչ մեկը դուրս չթափվի: Նույն նպատակով և պոռնկը կարճ վզի վրայով որոշ չափով դուրս քաշած է լինում⁵:

Չօրթանհարի գավաթ. մեծ տրամագծով է, կարճ կողերով և լայն հատակով աման է. մեծ մասամբ ունենում է երկու կողմից ունկներ և թանը հարելուց հետո մնացած հեղուկը դուրս ածելու համար պոռնկի եզրին առաջ ծալած նեղ շրթնաձև կտուց ունի:

Կօծ՝ կուժ կամ տօրակ⁶. անպատճառ ունկով է և ոռքը նեղ՝ սրածայրին մոտեցող: Բարձրութունը շատ ավելի՝ երկու և ավելի անգամ մեծ է, փօրի տրամագծի համեմատությամբ. վիզը բարձր ու նեղ. բերանը՝ ռէխը խցանում են կամ կտորով, կամ վրան կտոր փաթաթած փայտե խցանով: Դրվում է միշտ ղետնին՝ պատին, սլունին կամ որևէ հաստատուն իրին կռթնած: Հաճախ ղետնի մեջ նրա ոռքին համեմատ փոսիկ են անում և այնտեղ դնում կամ նրան դնում են փոսացրած քարի մեջ:

Դնիգնիմ. տարբերվում է կօծից ավելի լայն բերանով և մտնավանդ ավելի լայն ոռքով և կարող է ազատ կանգնել իր ռոֆի վրա: Մեծ մասամբ նա շինվում է պղնձից և դրսի մակերեսը փորագրութուններով զարդարվում, բայց կա նաև կավե գնիգնիմ:

Կօլա՝ կուլա. փոքր կուժ է, մեծ մասամբ այնպիսին, որ կարելի լինի սեղանին դնել. այդ պատճառով նրա հատակը ավելի լայն է լինում:

Փարչ. կարճ և լայն է, փորն ուռուցիկ, անպատճառ ունկնավոր թաս: Հաճախ գործ է ածվում, որպես հեղուկների չափ՝ զինու, օղու, ձեթի: Ամենամեծը հավասար է 5 գրվանֆի, այսինքն՝ 2 լիտրի:

³ Սակավ ղեպքերում՝ երկու:

⁴ Կապանում սմբիճ:

⁵ Գորիսում չեն ասում կօվկիր:

⁶ Գորիս: